

غبرية

دار الكنزي للنشر والتوزيع



رئيس مجلس الإدارة

محمد صلاح شديد

المدير العام

إيناس الدسوقي

مدير الإنتاج

أحمد عبد الحليم

مدير النشر

مهند يحيى

الكتاب : غجرية

تأليف : رشا

تصنيف الكتاب : شعر

إخراج : أحمد عبد الحليم

المقاس ٢٠ × ١٤

رقم الإيداع : ٢٠١٩ / ١٩٤٩٤

All Rights Reserved

Alkanzy for Publishing and Distribution

+01062104822

Alkanzy.co@gmail.com

info@alkanzy.net

محفوظ
جميع الحقوق

غجرية

شعر

رشا

أصل الحكاية

أصل الحكاية

مش حكاية حب

لا حيرة ولا غيرة

ولا حتى دقة قلب

كل الحكاية

ذكرى ومتعلقة

فقلوب نصيبها

تبقى متفرقة

لا بتقسي و لا تنسى

لا تحب ولا تتحب

ارتباك

كل إحساسي في غيابك
فيض مشاعر وارتباك
احتياجي أعيش لو حدي
واشتياقي أكون معاك

كل جرح وكل قسوة
ساية على روحي علامة
كل ذكرى بينا حلوة
بتقلب الدمع ابتسامة

روحي غضبانة لبعادك
حالفه عمرك يوم ماترجع
عندها فايق عنادك
رافضة تضعف ليك وترجع

بس قلبي ياعيني عاشق
حلمه يلمح حتى طيفك
يوم ما قلبك قال مفارق
داق جراحه بحد سيفك

وصدق الحلفان بإنك
بُعدنا كان غصب عنك
وإن مصلحتي وهنايا
يبقى بس فبعدي عنك

قالي عقلي لا كفاية
كل جرح وله نهاية
هنسى إني فيوم عرفتك
حتى لو فهواك دوايا

وما بين كرامة وحب
وحنيني وجفاك
ذكرى سنين القرب
عاشاها ارتباك

أنا عاشق

بحبك ..
قالها واتندم
وقال دلوقتي تتكلم

وتجري تحكي لاصحابها
بإن كلامي عصبها
وإني مش على بالها
ولا حالي شبه حالها

زمانها حاسة بإهانة
ويمكن مني زعلانة
وهتقولي بتتجراً !
روح امشي بسرعة واتطراً

ولا حتى في أحلامك
ولوم الجن خُدامك
في بينا ألف فرق وفرق
لا أصحى وداري أوهامك

وفجأة لقيتها بصتلي
وأنا تايه في أفكار
تقولي حقيقي حبتي ؟
فقلت بحب وبداري

أنا عاشق ياست الحسن
وعارف حلمي بيكي بعيد
لكن قلبي فحبه عنيد
ورائدك من زمان جدا
وفجر لقانا لو يدن
هكون يومها ملكت الكون
ولو كل البشر باعوا
هكمل شاري مهما يكون

قالتلي بجد لو شاري
وناوي تلتزم بالوعد
راح أوصفلك طريق داري
ويجمعنا النصيب مع بعض

كبير الفرق يا بن الناس
لو اتركز في أخلاقك
كفاية الصدق والإخلاص
وتبقى حقيقة أحلامك



غجرية

مين قال ب ضرب الرمل
بكرة خلاص إتشاف
ويتلم تاني الشمل
م الفرقة مش هنخاف

يالي كلامك سحر
قلبي خلاص دايب
ولا كل رمل البحر
هيرجع الغايب

لمي خلاص الودع
وسيبيني وحديا
وإن يوم رأيتي الجدع
خليه يعود ليا

قوليله في بنية
عائشة على وعدك
ولا زاد ولا مية
يرويه من بعدك

أنا رميت الودع
وما قلت غير يارب
قلبي عليه انخلع
ولا كنش ليا ذنب

غير بس كان إني
وشوشت يوم ودعة
وحكيتلها سري
وأتاري دي خدعة

من واحدة رمالة
رميتلها بياضي
اتاريها رحالة
وكلامها ع الفاضي

قالت أبين زين
اللي عليه العين
هيجيكي ويسلم
يمكن فبحر يومين

يارب .. أغفر لي
ورجعه ليا
ولا تاني أقول سري
لواحدة غجرية



ولسة باقي كلام

ولسة باقي كلام نقوله
لو هنسهر ليل بطوله
مش هيكفينا الكلام

لسة في أحاسيس نعيشها
لو بعاد أو خوف حاشها
مش هيسجنها الملام

لسة باقي ضحكة صافية
لسة شمس قلوبنا دافية

لسة بينا ذكرى حلوة
عائشة توفي لبدايتنا
بنردها زي غنوة
تحكي للدنيا حكايتنا

حبنا مش بس كلمة
يوم نقولها وتنسي
مهما طال بينا فراقنا
مهما قلب الكون قسي

جوة منا مهما يحصل
باقي دايم كلمتين
في النهاية أكيد هنوصل
طول ما جوانا الحنين

لو بس هيجمعنا المنام
لو حتى بنقاسي الآلام
حبنا باقي فقلوبنا
مش هيخلص فيه الكلام

من يومها

ومن يومها
وطيفك فيا متشعبط
وماسك في طرف توبي
بقيت قدري ومكتوبي
أغيب تندھلي ف ألبی
وأمرک یمشي علی قلبي
ولا بنسی ولا هنسیک
ولا هقدر أكون غير لیک
ولو یبنوا ما بینا سدود
خیالی معاک أکید موجود

هتلقاه جاي وسابقني
وشوقي ليك معذبني
وكل حنيني وهوايا
هيطلع وأنت ويايا
ساعتها بس راح تلقى
إجابة لكل أسئلتك
يوم ما هكون أكيد ملكك

هو فين

من غير سبب كان الفراق
فجأة كدة بدون اتفاق
وقفت خطاويننا
وتاه كل اللي كان

هو فين ...
اللي كان بيقول يا قمري
أنتي روحي وكل عمري
مش هسيبك مهما هيمر الزمان

اللي برمي عليه حمولي
لو ضعفت عينيه ينادولي
يسندوا قلبي
يحاوطوني بحنان

اللي كان بوجوده فارق
مهما يبعد أو يفارق
صوته في وداني
محسني بأمان

كان معاه الضحكة تطلع
والدموع م الفرحة تلمع
نعيش فلحظة بعقل
وساعات بالجنان

مستحيل بسهولة أنسى
مهما يبعد ولا يقسى
لسة باقي فقلبي
ودايما ليه مكان



بنتفارق

بنتفارق
وكان الخلاف قطرة
فبحر العند جوانا
ونتسابق
فمين هيطول الفترة
ونتعزز على هوانا
حمينا هوانا في بيوت قش
بعصفة ريح تروح طائرة
بأول خبطة نلقاه هش
بيتدارى فقلوب حايرة

ونتمسك بوجع القلب
وأيامنا بتسرقتنا
وننسى بالكرامة الحب
لحد ما تصحى أشواقنا
فنغرق جوة بحر دموع
نقول لو بس فيها رجوع
بنظرة وبسمة نتعاب
ثواني ويخلص الموضوع
وبعد القسوة ما تفارق
ويفضل قلبنا العاشق
نقول كان ليه من الأول
فلحظة عند .. نتفارق

محتارة

من بعد ما بعدت أرواحنا
واتبدل حالنا ومطر حنا
مبقاش البعد بيقتلنا
ولا حتى القرب يفرحنا

مبقاش من حقي إن أنا أشكي
ولا افضفض بهمومي وأبكي
وبقيت حاسة بأني غريبة
في مكان فكرته زمان ملكي

بتقدم خطوة وبرجعها
وكأن في حاجز يمنعها
وكأن اللمسة الي بتشفي
العند خفاها وضيعها

لو هضحك .. بتخيل ردك
نفسي احكي .. وبخاف من صدك
محتارة أقرب .. ولا ابعد
نتفارق .. ولا أطلب ودك

الأحسن أخلص م الخوف دة
ونكمل واحدة قصاد واحدة
أفضل فحياتك ع الهامش
وأعود تاني على الوحدة

وإن يوم حسيتك بتقرب
مش هقفل بابي ولا اتهرب
هفتح أدامك باب قلبي
نبدأ م الأول ونجرب

مجنونة ! يمكن يا جماعة
بتبدل كام مرة فساعة
لكن لو هخسر أحبابي
محتاجة أخسرهم بشجاعة

وأنا يمكن أكون لسة ضعيفة
محتاجة كمان ضربة خفيفة
وساعتها لو أبعد مش هرجع
أو هعرف إني يادوب ضيفة

حاسة أني بهلوس وبخرف
مش قادرة فقلبي أتصرف
امتى أرجع تاني على طبيعتي
محتارة بجد ياريت أعرف

ذكري بترسم

ويادوب جروحي بتلتئم
والقلب يفوق م الوجع
فجأتني ذكري بترسم
ل طيف حبيب هل ورجع
وبكل قسوة جه وداس
ع الجرح خلاه يفتح
طب ليه بيرجع م الأساس
ومن ثاني قلبي ينجرح
ليه فثانية رجعلي الحنين
وضاف عليه حزن السنين

وذكریات متخبطة
أحاسيس كثيرة ملخبطة
حب وحناق ...
هجر وفراق ...
واللي بقالي بعدها
ذكرى وشجن
يادوب قدرت أداريها
بتراب الزمن
راجع بتنش تاني ليه
فحاجة ماتت وانتهدت
وتصحي جرح غرقت فيه
وتعيد آثاره اللي اتمحت
حرام عليك
دة أنا كنت ناسية

أرجع وروح مطرح ما جيت
صدقني عمري ما كنت قاسية
أنا بس م الغدر أكتفيت
أبعد وفارق وأختفي
وأنا هبدأ أنسى من جديد
من تاني ناري هتنطفي
والصبر على جرحك يزيد

صدقيني

لو فيوم قلت إني ببعد
عشان بحبك.. صدقيني
وإني كل ما بقسى أكثر
ببقى نفسي.. تعذريني

إنتي أكثر واحدة عارفاني
وبتحسي اللي بيا
حتى لو ساكت، هتفهمني
لمستي ونظرة عينيا

حاولي لو حدك تعرفي
ليه لازم أنسى
ليه لازم أهرب وأختفى
وعليكي أقسى

عذري لقلبك يآسي
وكمان ضعفي لرقتك
مقدرش أشوف نفسي
بفارق ضحكك

طريق غلط ومشينا فيه
من غير ما نعرف آخرته
قلوبنا غصبتنا عليه
وروحنا عشقت سكتة

ولأني خفت عليك
م النهاية لتدبحك
أخترت أكون قاسي
أسيبك وأجرحك

وعارف هيجي اليوم
مهما يكون بعيد
قلبك هينسى اللوم
وبعدي يعيش سعيد

کان غریب

کان غریب
یوم ماقالی نویت آسیب
دور الحیب ..
مش هینفع یقی بینا
خلاص نصیب ..
بس بردو لیکي باقی
ولقلبك قریب ..

أنا هفارق دفا عنيكي
ودة أحسن كتير ليكي
ولو كانت ظروفنا غير
أنا بحياتي هفديكي

بلاش بعنيكي تلوميني
نصيينا ع الجبين مكتوب
وبكرة أكيد هتسينيني
وكل الذكرى بينا تدوب

ساعتها قلت آه وماله
وعملت مصدقة ومشيت
يومين وأخطر على باله
وهستنى يقول حنيت

ففضل الهجر على حاله
وأنا من وحدتي مليت
وأكتفيت..

أما شفت الدنيا
ماشية موقفتش
والشمس كل نهار
بتطلع منتطفش
وحياي من غيره
بتكمل منتهش

يبقى ليه اتعذب أنا
وجنابه
كمل بعدي عادي

ليه مفوتش الذكريات
وأبدأ حياتي من الساعة دي
ليه أصدق كلمتين
ودمعة أترسمت قصادي

دة اللي شاري
مستحيل عنك يغيب
وأما يقدر
رجعه بكيفك غريب

عمى ألوان

من زمان ...

كان يقولوا الدنيا ضلمة

وابقى شايف فيها ضي

وأما قالوا عليها ظلمة

قلت لسة العدل جاي

كله قال غدر الصحاب

وحملوهم ألف وزر

قلت يخلص بالعتاب

والتمس للكل عذر

واما قالوا مفيش حبيب
خلي قلبك ليك وبس
قلت كل شئ نصيب
والقلوب تقدر تحس

قالوا قالوا مهما قالوا
كنت اقول كله كلام
شفت جوة الكون جماله
وروحي عايشة فيه بسلام

بس فجأة بدون معاد
كل شئ جاوز حدوده
وابتديت أشوف سواد
عمري ما أتخيل وجوده

اللي خان واللي هان
واللي فارق من زمان
واللي مستكتر عليك
لحظة حنان

للون دة مش متحملة
قلبي مش حاسس أمان
ياريت ف عيني مشكلة
عمى وبس في الألوان

فراشة رقيقة

انتي يا فراشة رقيقة
أسمحيلي بكام دقيقة

شايفاكى عايزة تسأليني
ليه حبستك وتلوميني
لو فهمتي هتعذريني
مهما حسيتي بضيقه

الحياه حواليكى غابه
ليه تأمني للديابه

بطلي طيبة وخيابة
اتعلمي تكوني جريئة

وأما تبقي تفرقي
بين نور ونار
وقتها ممكن
أسبيلك الاختيار

يا تحرري جناحك
من الخوف والمرار
يا تفضلي معايا بريئة
هي دي كل الحقيقة

شهد العشق

أما برد الحب
يتحول لنار ..

ويبقى شهد العشق
مخلوط بالمرار ..

وتلقى عمرك كله
مرهون بانتظار ..

لموت تشوفه روحك
سبيل للفرار ..

زي عود كبريت فحبسه
مستني الشرار ..

عاشق لهيب النار وجله
خد أصعب قرار ..

ميل بكيفه وحك راسه
في الجدار ..

ورغم ألمه، حس
بنشوة الأنتصار .

يکفیني ذکرى

مش هدور عليك
ولا هستجدي رجوعك
يکفیني أبقى ذکرى
تشيلها بين ضلوعك

فنجانك لو هيحكي
هيقول دابت فقلبك
زي السكر فقلبي
تحلي فيك عيوبك

دخانك لو هيشكي
هيقول ولعت نارها
كأن سيجارة والعة
عشان تنفخ همومك

خلي لك لو ثواني
تشوفني زمان في فرحك
راسمة على وشى ضحكة
وأنا قايدة معاك شموعك

أوهتشوف وقت حزنك
إيد على كتفك تطبطب
والثانية لامسة خدك
بتمسح لك دموعك

يكفيني بجد ذكرى
لو حتى هبقى فكرة
تداعب يوم خيالك
وتتونس بنورك.



تماثيل جليد

من كثر برد المشاعر
صبح البشر تماثيل جليد

محتاجين ولا ألف شاعر
يحركوا قلوب من حديد

جاهد يا قلبي وعافر
اتفرج وعيش من بعيد

أوعاك بحبك تجاهر
ل فلحظة تصبح شهيد

عيون متاهات

قوة وشدة حيل
والبسمة مرسومة

تشوف تقول دي أكيد
م الحزن معصومة

بس العيون متاهات
لو يوم تبصلها

هتلقى فيها دموع
م الحزن مكتومة

مهما الوجع بيزيد
بتداري وتنجبي

لو حتى نارها تقيد
متقولش ايه ذنبي

تقفل عليها الباب
بالدمع تطفئها

تطلع بلمعة عين
وشكوى معدومة

داية شوق

أسأل عني
غصب عني
حتى لو إحساسي خاني
خلي إحساسك ساندني

مهما أقولك عايزة وحدة
لو هصدك أو أعاندك
شد قلبي واحدة واحدة
رجعه من تاني عندك

مش أي حاجة هحسها
توافقني فيها
روحك دليلي ومهما أتوه
أنا عايشة بيها

هتلاقيني كتير بقول
أنا عايزة أفوق
سيبني أما أروق
بس الحقيقة فكل دة
أنا دايرة شوق

شوقي للمسة طبطة
على كف إيد بترعش
لكلمة حلوة وطيبة
حزني قصادها بينكمش

فمها أقول الصمت أريح
واعتزال الناس دوايا
بُعدك أنت وبس يجرح
وقربي من قلبك هنايا



بعد السنين (ساخرة)

بعد السنين والحب
بتخون وتخدعني
شايقة معاك الغُلب
راضية واية يعني
وآخرها بردو أكون
غلطانة وبقصر

للدرجة دي مليت
طب روح خلاص وأمشي
ما جريت زمان وحفيت

ورا نظرة من رمشي
دلوقتي جاي تقول
تعبان ومتكدر

من عيشتي زهقانة
وحُرقتي دائمة
وف همي غرقانة
لو صاحبة أو نايمة
وإن طال عذابي بقول
دة نصيب ومتقدر

مبقاش خلاص فارق
وخرجت عن صمتي
أنا راضية نتفارق

وهقوها بكرامتي
جهزلي يلا يا حلو
نفقة ومتأخر

غيرت ليه الحال
وراجعلي تتأسف
يكفي يا أبو العيال
بكفاية نتفلسف
عارفة مسيرنا لبعض
مهما هنتكبر

بس إن حاولت ف يوم
تلعب بقاب ديلك
هيسيب عنيك النوم

وتشوف سواد ليلك
لو بس في خيالك
أو حتى هتفكر

اسمع قلبي

اسمع قلبي
سامع نبضه ؟
متحير ومهوش على بعضه

حس بقلبي
حاسس خوفه ؟
نار حبك ماتفارق جوفه

لو مش حاسس أو مش سامعه
بص عيوني شوف ايه مانعه

ينطق ويقولك بصراحة
مش لاتي فبعادك راحة

مش قادر عن شوقه يعبر
قبل الكلمة يتوه ويفكر

يا ترى بتحس بأشواقي
متأثر قلبك لفراقي
ولا وجودي مساوي لعدمه

قرب قلبي
واسمع همسه
شوف ازاي إحساسك لامسه

حس بقلبي
من غير ما اطلب
ألحق شمس الحب لتغرب

كتر البعد محير روعي
وبقربك هتداوي جروحي

لكن لو زودت ف صدك
وأنا خرت عليا بودك

وقت ما ترجع
مهما هتنده
تلقى الصمت البارد ردك

خليني دليل

في البداية كنت حاسس
إني بطلب مستحيل
رغم طلباتي القليل
إني بس أبقى حارس
عند بابك قلبي واقف
يحرسك ويحبي قلبك
من عيون الطمعانين
من أي حد يوصلك
بعيون قوية
قوة شايقة فيكي ضعف

ملبسك توب الضحية
بس إنتي مش كدة
إنتي أصل الضعف عندك
طيبتك الزائدة وعِندك
وروح بريئة مصدقة
ل دة ودة
الدنيا سهل توقعك
بتدور وترجع توجعك
وأنا حيلتي ايه
غير إني بس
أمد إيدي كل مرة و ارفعك
أشوف عينيكي
ألاقي نظرة امتنان
وقلبك المليان حنان

بينادينني إني أكمل وامنعك
لكن أعمل ايه
وانتي صوت العند فيكي
بيخالف نظرة عينيك
شايفة كل الناس ملايكة
مش زهور وغصونها شايفة
لو فيوم طولتيها
هتجرّح إيديكي
عندك غريب بيشترك
خليني لطريقك دليل
أمشي معاكي ف سكتك
وأعدي بيكي المستحيل

قلبي المتيم

الغالي جدا غير أي حد
لك عندي كلمة ومش طالبة رد
بعد التحية وكلام كثير:
قلبي المتيم ملّك بجد.

مليت وعود صدقتها
غدرت بيا وختتها
قلبي اللي حبك وقتها
مش لاقى منك إلا صد

روحي لروحك سلمت
ولقلبك انت اتكلمت
وأما خلاص اتطمّنت
لقيت ما بينا ألف سد

وفي الختام،
هنسى وعودك والغرام
بكفاية غدر.. خلاص سلام
أحسن لنا نكملها بُعد.

عيش وغنيلاها

دي مودة ولا أكثر
أهي عيشة عايشينها
سيبك من الدنيا
واللي يجيك منها

عادي تبات مجروح
أو حتى شايل هم
مادام فجوفك روح
راحتك وبس أهم

هتقابل الصادق
وتصادف الكذاب
هتهيم فيوم عاشق
وتدوق مرار وعذاب

لا في ألم دايم
ولا فرح بيضل
لو يوم صبح غايم
في شمس بعده تهل

خلي الأمل جواك
وعيش وغنيها
ربك تملي معاك
قادر يعدّها

زي الأخت

زي الأخت بحسها شكلي
تشبهني فعقلي وأفكاري
واقفة معايا فكل مشاكلي
وبتحفظ دايا أسراري

مخلوقة بطعم الحنية
وقريبة برغم المسافات
ورداية رقيقة مندية
وعبرها فكل الأوقات

لو مرة أشوفها بتتألم
الدنيا بتحزن وياها
تفهمني من غير ما اتكلم
وبيفرح قلبي وأنا معاها

بدعيلها بحفظ الله دايا
وتعيش الفرحة وتتهنى
ولا ممكن نتفارق أبدا
مع بعض نكمل للجنة

ضحكة كذابة

ليه وقت ما نبتدي نفرح
بتيجي الفرحة منقوصة
ولا تلقى فيوم مطرح
ولا م الأصل محسوسة

بنضحك ضحكة جذابة
غصب بترسم ع الوش
فتطلع باهتة كذابة
تبين أد ايه بنغش

قلوب من كتر ما فيها
بتفرح فرحة مش كاملة
ووقت ماتيجي تخفيها
كأنها ذنب أو عملة

تخاف م الناس لتحسدها
على حاجة مهيش دايمة
بتيجي ثواني توعددها
يكون لها دور على القائمة

فنستنى سنين وشهور
وجوة قلوبنا نتمنى
تقوله أكيد هيبجي الدور
تعيش فرحك وتتهنى

عند حقيقي

بعد بحبك .. بعد بدوب
وان العشق ملهش هروب
خليت قلبي القاسي يسلم
مين راح يهرب م المكتوب

بكل القوة اليك شدتني
حبيت روعي عشان حبيتني
وأما خلاص اطمن قلبك
فجأة لقيت روك صدتني

برِد القلب العاشق فجأة
بعد ما ولع ناره فقلبي
فاجئ قلبي بقسوة مفاجئة
وقت ما قال الهجر دة ذنبي

قال لأوامري انتي عنيدة
وأنا مش نافع تاني أتحمّل
ابتدي بعدي صفحة جديدة
وأنا من بعدك بردو هكمل

كدة ببساطة اتغير قلبك
وابتدي يخلق أعذار واهية
كنت سعيدة زمان من قبلك
وردة ندية بألوان زاهية

كنت عايزني فايدك خاتم
كدة أو مبقاش ليك مستاهلة
بكرة هتيجي بنفسك نادم
وعمري ما هبقى معاك متساهلة

صعب لقلبك تاني أسلم
بعد ما سابني فنص طريقي
ومهما هتحلف أو تتكلم
هتشوف قسوة وعند حقيقي

نصبي فيك

من بعد شوق كل السنين
وقلوبنا كت متفرقة
فجأة قابلتك.. والحزين!
مفرحش قلبي باللقا

وقف أما شافك مطرحه
تايه فحالة من السكوت
حاسس بغربة بتدبحه
وكأنه قام من قلب موت

لا دموع ولا بسملة حنين
ولا نظرة مشتاقة لكلام
لا في ألم ولا في أنين
ولا حتى في كلمة سلام

طول البعاد
حول ربيع قلبي لخريف
كتر العناد
خلاني شايفاك بس طيف

ساعتها بس خلاص عرفت
إنالفراق دة نصيبي فيك
وكأني بس ليك صادفت
عشان أودع حبي ليك

يلا اضحكي

يلا اضحكي مهمومة ليه
ايه يستحق نموت عليه

الدنيا دي دنيا شقى
حطتها ليه ف راسك بقى

مصدومة ليه دلوقتي فيها
دي عاداتها ولا هتشتريها

أعشي حياتك بالرضا
وارضي بأحكام القضا

تتقضى طول أو حتى عرض
مش شرط حزنك فيها فرض

والضحك مش مرهون بفرح
من غير سؤال أو حتى شرح

خليها ضحكة وبعدها
الفرحة تيجي فوقتها

بكفاية تبكي وتشتكي
يا مرايتي يا عنيدة اضحكي

على عيني

على عيني تبقى بعيد
متكونش يوم جنبي
بكرة هيجي أكيد
وتشوف دة مش ذنبي

مقدرش أكون موجود
مع قلب يرفضني
حاطط ماينا حدود
عن روحه يبعدني

ولو يكون مغصوب
ع البعد والمسافات
بيقول قدر مكتوب
نقسي وننسى ساعات

أنا بردو هبقى بعيد
مادام في مصلحته
أنا همي يبقى سعيد
وأكون سبب راحته

لو حتى كنت حزين
ولو حدي هتألم
هكتم فقلبي حنين
واسكت ولا اتكلم

همشي وهدعيه
يفرح وينساني
وف سري هحكيه
في بعاده حرمانى



قلوب حرة

بنصحي نعانء الدنيا
نقول بمزاجنا هنعشها
فنضحك ضحكة ورا ضحكة
تحليها وتنعشها

لكن فجأة توقفنا
تقول على مهلكوا استنوا
فرحنا كثير وسقفنا
بلاش بزيادة تتمنوا

أخذتوا نصيب من الفرحة
هتأخذوا نصيبكم من الأحزان
هموم متفرعة وطارحة
وجع وفراق وشوق لزمان

بلاش ع الدنيا تستقوى
ولا تفكر هتغلبها
نعيشها بس بالتقوى
نحاول بيها نكسبها

وندعي ربنا براحة
وقوة عشان نعليها
ونضحك بس بالراحة
راحتنا بجد مش فيها

نكمل زي مانكمل
ساعات حلوة ساعات مرة
نعيش فيها ونتحمل
وجوانا القلوب حرة



خليك بعيد

قلتلك خليك بعيد
أحسن متقربش مني
ياما كنت بقول واعد
واتصورت إنك فاهمني

بس كل مرة أصدك
ألتقيك بتقرب أكثر
مهما أحاول إني اردك
ألقى شوقي ليك بيكتر

فجأة بقيت أتشد لك
من بعد صدي وقوتي
أشتاق إليك واحن لك
ونسيت فحبك دنيتي

خوفي من القرب اختفى
أو يمكن اتدارى لساعات
قلبي من العند اكتفى
ولقيت أوان القسوة فات

وبعد ما خلاص اتاخدت
وقلبي خلاص سلم
عني أنت أوام بعدت
من غير ما تتكلم

دلوقتي بس عرفت ليه
كان قلبي رافض يسمعك ؟
صدقت قمت قسيت عليه
ووجعته قبل ما يوجعك !

ما أنا كنت م الأول بعيد
وقلت متقربش مني
دلوقتي لازم من جديد
انسى قلب ضعيف خذلني

بشترك

من كتر حبي
وإحساسي بيك
لقيت نفسي بعد
أوام عن عينيك
عشان عارفة نفسي
ضعيفة قصادك
وقلبي بياخدني
ويهرب إليك
فكان لازم أقسى
عليا وعليك

بقسى وقلبي
يشكي البعاد
وعيني بتبكي
في ليل السهاد
وعارفة رجوعي
دة غايتي ومرادك
لكن عقلي واقف
ماينا بعناد
بيمنع خضوعي
لقلبي وليك

وأما هيبقى
ماينا نصيب
لا يمكن راح أبعد

وعنك أغيب
هتبقالي مية
وأنا هبقى زادك
وتفضل فقلبي
ومني قريب
لو لينا قسمة
أنا بشترك

خيال

طول العمر بعيش فخيال
نفسي أشوفه بجد حقيقة
مهما تكون الفكرة مُحال
بتخيلها في نص دقيقة

مرة رومانسي ومرة مغامرة
والبطلة دايمًا على شكلي
دايمًا أشوفها بنوثة سمرة
تبكي ساعات وساعات تضحكي

سايبة الدنيا وسايبة العالم
عايشة جوة دماغي بلون
حدوتة ولا ليها معالم
بس على مزاجي بتكون

سهل أحقق فيها طموحي
وأكون بطلة فقلب رواية
قصة أداوي فيها جروحي
وأكتب ليها أحلى نهاية

بعدين أرجع ثاني أكمل
واقع أعيشه بأي طريقة
أتعب، أقول هقدر أتحمّل
بس أغمض عيني دقيقة

ونتواعد

وبعد الفارقة نتلاقى

ونتأنس ونتكلم

وبعد البُعد نتجمع

بشوق وبلهفة بنسلم

ونتخائق..

ويبقى خناقنا كله هزار

مين في البعد كان أوفى

ونتفارق...

تقيد في قلوبنا تاني النار

فنرجع بيها نتدفي

ونتعاھد...

ونحلف تاني ما نعانء

ولا شيطان ييجي ناحيتنا

ونتواعد...

بيوم على حبنا شاهد

هنبءاً بعءه سكتنا

يوم ميلادي

كان وكان

ويا ما كان

هنا وفنفس المكان

بنت أتولدت زمان

والزمن خيال وطايح

وش جاي وظهر رايح

الأولة بيضحك علينا

بعد يوم واتنين يصارح

خطوة خطوة وبعد حبة
كبرت البنوة حبة
جت بتضحك للمراية
ألتقت قدامها شابة

اتعجبت لصورتها فيها
غمضت جامد عينيها
فتحت فجأة وشافت
أم وولادها فأيديها

لا ثواني فهموني
ياللي أنتوا تعرفوني
كنت لسة قصادكو بحبي
الولاد دول أمتي جوني

عدى تاني سنين طويلة
وهي مش بإيديها حيلة
شعرة بيضاء فراسها طلعت
نص عمر فيوم وليلة

عشته؟ أيوة عشته فعلا
بس لسة طفلة جدا
عايزة تجري عايزة تلعب
سني مش هو الي معلن

بس عادي* واللييلة دي
هحتفل بيوم ميلادي
وإن وحشني فيوم شبابي
هبقى اشوفه فعين ولادي

معنى الامتلاك

نفسي أداري روحي فيك
عايزة أتخبي جوة منك

نفسي أشوف بس بعينيك
وأنسى نفسي معاك كإنك

انت عيني وكل روحي
عايزة أداوي بيك جروحي

وانسى كل صعب فات
أحى حتى الذكريات

واتولد على كف إيدك
احتمى ما بين صوابك
واروى دمي من وريدك

مش كفاية تكون حبيب
حد يدق قصاده قلبي

أو يكونلي فيك نصيب
ولا تبقى يا عمري جنبى

عايزة قلبك يبقى مهري
تبقى سندي وتبقى ضهري

وتبقى ليا ...

عارفة انت كثير عليا

بس بحلم ...

ان يوم تبقالي محرم

وانسى أي حد تاني

بس أزور قلبك ثواني

أو دقائق بالعدد

هكون كفيلة تبقى ليا

وابقى ملكك للأيد

سامحني قلبي مش ملاك

مش هيرضى لحظة منك

غير بمعنى الامتلاك

خطوة الفراق

لا.. دة مش وقت الوداع
دي لحظة لسة بعيدة جدا
مش هر ضى احساس الضياع
دة يوم وفجره مش هيدن

مهما كان حجم اللي بينا
مهما يعاندنا الزمان
مش هنبقى كان وكنا
مش هخسر ك وانت الأمان

انت فحياتي الي ليا
مش هسامح لو لقيتك
تنصر الدنيا عليا
آه خاصمني لو هتقدر
بس وانت قصاد عينا

ولو فيوم هتحب تبعد
يبقى سيب قلبك هنا
امشي لو تحب واعند
بس يفضل حبنا

ولو يخاصم قلبي قلبك
سيب لي أي حاجة منك
سيب عبيرك ولا طيفك
سيبلي صوتك

خليك يا نور عيني كإنك
جنبي، ولا لحظة تفوتك

وأنا هدوس وضع الثبات
حياتي واقفة وانت غايب
وأما ترجع
هنسى أي وقت فات

مش هعيش
غير يوم رجوعك
قلبي لو هيتوه يا عمري
هلتقيه ماين ضلوعك

واشوف فعينك حب معلن
أما خطوة الفراق
هتبقى مستحيلة فعلا

عادي يعني

عادي يعني .. لو تبيعني
أو فيوم ألقاك واجعني

مش مفاجأة .. إني فجأة
ألقى قلبك مش سامعني

عادي توعدني وتخلف
عادي تكذب مهما تحلف

لو هتقسي ولا تنسى
وبرك مش هلقاله مرسى

كل دة فحياتي عادي
الجديد بس النوبة دي

إن قلبي معادش يرسم
فرحة العمر بريشاتك

مهما يجمع ولا يقسم
حسبته بعيد عن حياتك

فمهما تجرح أو تفارق
أو تفكر هتوجع

كل دة معادش فارق
قلبي من حضنك رجع

وأنا هعرف ازاي أسعده
وقصادك اهو أنا بوعدده

لو جه يحن، مش هسمعه
هقفل بياني وهمنعه

لو حتى هحجر يوم عليه
من تاني انسى ترجعه

على بالي

وليك دعيت للفجر
ياللي انت على بالي ..

تنسيني طعم الهجر
وتحن على حالي ..

نهار خصامك ليل ..
خلي وصالك بديل ..

صدقة، وليك الأجر
ياللي رضاك غالي ..

وليك دعيت في السحر
ترجع وتبقالي ..

علمت عيني السهر
والسهد يحلالي ..

يا حب عاش في الروح ..
جوايا فين ما بروح ..

بكفاية طول السفر
خليك هنا قبالي ..

جوايا الحنين

تبقى غلطان لو تفكر
هقسي من طول الغياب
واني من غيرك راح اقدر
ابتسم وانسى العذاب

كل لحظة من غيابك
فيها قلبي يتوجع
عائشة استني يقولولي
حب عمرك اهو رجع

يوم يعدي ولا شهر
ولا حتى تفوت سنين
صخرة ثابتة فقلب نهر
عاش جوايا الحنين

روحي فاكرة .. كل ذكرى
عاشة مستنية بكرة
يمكن أصحى .. ألاقى فرحة
وننسى أي لحظة جارحة

ويغيب عنا الفراق
ونرجع لأحلامنا
نستقوى بالأشواق
على جرح أيامنا

ارجع كفاية عناد
من قلبي أو منك
لا انت هويت البعاد
ولا قلبي تاه عنك



اتنين صحاب

كنا احلى اتنين صحاب
سِرنا مع بعض دايمًا ...
م الطفولة للشباب ...

يضحكي عن جرح اللي خانوا
واشكي من قلبي اللي داب

كت دموعي معاه بتضحك
وعمره عني فيوم ما غاب

جالي يوم قالي اسمعيني
ومتقوليش الواد دة خاب

شكلي حبيتك يا بنتي
وقلبي فيكي باينه داب

صعب تبقى الحالة بينا
حب عادي ماين صحاب

مش هتلقني حد فاهمك
زي قلب معاكي شاب

حد بالنسبة له انتي
صفحة مقرية فكتاب

قربي يمكن ساعتها
يتفتح لقلوبنا باب

رغم حيرتي ورغم خوفي
قلبي مال له واستجاب

بس بعد شهور قليلة
ابتدا بينا العتاب

انتي غيرتك ليه زيادة؟
وانتَ ليه طول الغياب؟

انتي زيك زي غيرك
كل تفكيرك خراب

بس ايه خلاني احبك
كان مرض وفعقلي صاب

واحدة واحدة بقينا نبعد
وحبنا أصبح سراب

صدفة بعديها اتقابلنا
بعد فرقة واجتناب

قلنا يا خسارة ياريتنا
فضلنا بس اتنين صحاب

ولا حاجة

ولا حاجة
احساسي فُبعدك ولا حاجة
مبقتش لقربك محتاجة
من قلبي هقولك ألف سلام
من غير لا وداع وحتى كلام
بطلت أنا طيبة وسداجة

من قلبي لا هزعل ولا الومك
وفر أعذارك وهجومك
مرتاح في البعد .. ابعد أكثر

طول مسافاتك لو تقدر
شيل همي من ضمن همومك

وأنا بردو كمان عايشة لروحي
وبعالج في البعد جروحي
من غيرك أنا هرجع أقوى
وعليكي يا عيني أنا هستقوى
بس انتِ او عاكي تبوحي

انا عارفة هتعيشي وحيدة
حيرانة في بعاذه شريدة
هتفوت أيام وهترتاحي
ونعاند دمعك وجراحي
ونكمل في دنيا جديدة

أنا آسفة

هبيجي اليوم
وتعرف وجعي وبكايا
وحال القلب جوايا
في بُعدك ايه

هبيجي يوم
وتعرف اني مش ناسية
ولا زيك هكون قاسية
وحبي اداريه

هتعرف بعد يوم واتنين
ولو فاتت شهور وسنين
اكيد قلبك فيوم هيحس
انك جاي بردو عليه

ووقت ما تبتدي تسلم
وتيجي لعندي متندم
هتلقى ردي أنا اسفة
ونرجع ليه !!

مادمت رضيت من الأول
تمد فراقنا وتطول
فحقي اختار أكون زيك
وقلبي ألغيه ..

ست البنات

(اهداء خاص)

كبرقي يا ست البنات
يا حنة من قلبي الي مات
عشت شفتك نسخة منها
صورة من عمري الي فات

صورة ليها ف عزها
وردة بنفس غصنها
نفس ملاحها وصوتها
نفس ضحكة سنّها

ربنا يبارك فعمرڪ
تعيشي وتزیدی فحسنڪ
نشوف عوضنا يا قلبي بيڪي
عن خسارتنا لأمڪ

الفهرس

أصل الحكاية.....	٥
ارتباك.....	٦
أنا عاشق.....	٩
غجربة.....	١٣
ولسة باقي كلام.....	١٧
من يومها.....	٢٠
هو فين.....	٢٢
بتفارق.....	٢٥
محتارة.....	٢٧
ذكرى بترسم.....	٣١
صدقيني.....	٣٤
كان غريب.....	٣٧
عمى ألوان.....	٤١
فراشة رقيقة.....	٤٤
شهد العشق.....	٤٦
يكفيني ذكرى.....	٤٨
تماثيل جليد.....	٥١
عيون متاهات.....	٥٢
داية شوق.....	٥٤
بعد السنين (ساخرة).....	٧٥
اسمع قلبي.....	٦١

٦٤.....	خليني دليل
٦٧.....	قلبي المقيم
٦٩.....	عيش وغيلها
٧١.....	زي الأخت
٧٣.....	ضحكة كذابة
٧٥.....	عند حقيقي
٧٨.....	نصبي فيك
٨٠.....	يلا اضحكي
٨٢.....	على عيني
٨٥.....	قلوب حرة
٨٨.....	خليك بعيد
٩١.....	بشترك
٩٤.....	خيال
٩٦.....	ونتواعد
٩٨.....	يوم ميلادي
١٠١.....	معنى الامتلاك
١٠٤.....	خطوة الفراق
١٠٧.....	عادي يعني
١١٠.....	على بالي
١١٢.....	جوايا الحنين
١١٥.....	اتنين صحاب
١١٩.....	ولا حاجة
١٢١.....	أنا آسفة
١٢٣.....	ست البنات